

# COMUNU DE USEDDUS

Provìntzia de Aristanis

## *DELÌBERA DE SU CONSILLU COMUNALI*

**NUMERU 13 DE SU 20/04/2007**

*OGETU : Aprovatzioni Progetu po s'istitutzioni de unu Sportellu Linguìsticu de coordinamentu subacomunali, de associatzioni intra de is Comunas, e progetu "Limba Sarda, Limba de s'identidade, Limba de su mundu".*

S'annu duamilaseti sa di binti de su mesi de abrili a s'ora de is ses e mesu de meri, in custa Sedi Comunali, s'est atobiau a pari su Consillu Comunali, cunvocau po lei, in sessioni ordinària in prima convocatzioni in setzida pùblica, cun sa presentzia de is Sannoris Consilleris tocaus a custu Comunu e in càrriga:

ATZEI ADRIANO	P	PISU ELSA	P
SERRA MONICA	P	ORRU' LUCIA	P
ERBÌ CESARE	P	PISU GIANCARLO	P
ATZORI FELICE	A	ECCA ANDREA	A
ADDARI GIOVANNI	P	SERRA BRUNO	P
FLORIS GIULIO CESARE	P	SANNA ELIODORO	P
MINNEI IGNAZIA	P		

Nde risultant presentis n° 11 e ausentis n° 2

Pigat sa presidèntzia s'Abog. ATZEI ADRIANO in calidadi de SÌNDIGU.

Partetzipat cun funtzionis consultivas, referentis, de assistentzia e verbalizatzioni (art. 97, comma 4, de su D.Lgs. n° 267/2000) sa Segretària SCALAS Dott.ssa MARIA BONARIA.

Su presidenti, atzertau su numeru legali, de crarat aberta sa chistioni de s'argomentu in ogetu, regulàrmenti iscritu in s'ordini de sa di, e invitat is benius a pari a deliberai sa chistioni a suba ingitada, ponendi in antis ca, a suba sa proposta de custa declaratzioni anti nau ca giai:

su Responsàbili de su serbìtziu interessau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

# SU CONSILLU COMUNALI

## POSTU A IN ANTIS CA

- Su Consillu Provintziali de Aristanis, cun delibera n°25 de su 31.05.2004 at postu su Comunu de Useddus a intru de s'ambitu territoriali a s'art.3, comma 1 de sa Lei 15 de su mesi de idas de su 1999, n°482 ;
- Sa Circulari de sa Presidèntzia de su Consillu de is Ministrus – Dipartimentu po is Afarius Regionalis prot. n° DAR-1321/13.3.5.17 de su 14 friarxiu de su 2007, po cantu si tratat a sa esperientzia de is annus primitzius de istitutzioni de is sportellus linguisticus comunalis, sutalineat i resùltaus bonus de cussus Entis chi ant fatus is partis a is formas de coordinamentu progetuali subacomunali, potendi a su puntu prus artu is risorsas e fadendi unu serbìtziu totunu e prus profetosu po su territòriu, scerendi po tanti ca “is finanziamentus (deretus a s'annu 2007) ant essi prima de totu deretus a su fai sportellus capu-fila ”;
- Custa Amministratzioni Comunali, tenendi bidea de fai unu sportellu linguisticu a su serbìtziu de sa tzitadinantzia de Useddus cun s'agiudu de s'Amministratzioni Provintziali de Aristanis – Ufitziu de sa Limba e de sa Cultura Sarda - e is Comunas de Bidda S.Antoni, Gonnanou, Assolu, Senis, Nureci, Mogoredda, e Asuni at fatu unu progetu segundu is articulus 9 e 15 de sa Lei 482/99 ;
- Su progetu nau a suba, prividit sa istitutzioni de unu sportellu linguisticu mancai in forma assotziada cun ateras Amministratzionis Comunalis, s'ammostat rispudenti a is bisongius de custu Comunu de garantiri a sa populatzioni de Useddus s'agiudu e is consulentzias linguisticas po s'usu conoscenti e giustu de sa lingua sarda ne is raportus cun sa pùblica amministratzioni, e puru in sa vida assotziativa de sa bidda e in s'ambitu familiari ;
- S'Amministratzioni Provintziali de Aristanis, Assessorau a sa Cultura, Settori Attividades Culturali e Turisticas, Ufitziu de sa Limba e de sa Cultura sarda at fatu una proposta progetuali de atividades coordinadas po s'annu 2007 nomanada “Limba sarda, Limba de s'identidade, Limba de su mundu – 2007” chi s'articulazioni sua tenit bidea puru – in forma coordinada subacomunali – de is interbentus culturalis, sa formatzioni linguistica de su personali dipendenti de is Comunas e sa promotzioni de sa lingua sarda po mesu de is metzus de comunica de massa;
- Puru is bideas, is finalidadis, e is modus de sboddiamentu de su progetu nau a suba parint dexi a cussus de custu comunu, in prus de totu po cantu si tratat de interbentus culturalis prividius, a sa formatzioni linguistica de su personali de sa pùblica amministratzioni e a sa promotzioni de sa lingua sarda po mesu de is metzus de comunica de massa;

## BIUS

- Sa Lei de su 15 de su mesi de idas de su 1999, n°482 chi portat “Normas in materia de tutela de is minorantzias linguisticas istoricas” e ss.mm.ii.;
- Su D.P.R. de su 2 de maju de su 2001, n°345, “Regulamentu de atuatzioni de sa L. 15 de su mesi de idas de su 1999, n°482, chi portat is normas de tutela de is minorantzias istoricas” ;
- Su Protocolu de Intesa fatu s'8 de abrili de su 2002 intra de su Presidenti de sa Regioni Autonoma de sa Sardigna e su Ministru po is Afarius Regionalis, ponendi in menti a s'art.8 de su remonau D.P.R. 345/2001 ;
- Su D.P.R. de su 20 gennàrxiu de su 2003, n°60 chi portat modificas a su D.P.R. de su 2 de maju de su 2001, n°345 ;

- Su D.P.C.M. de su 22 de su mesi de idas de su 2004, chi portat “Criterius de repartu de is fundus prividius dae is articulus 9 e 15 de sa Lei 15 de su mesi de idas 1999, n°482 – Tresannus 2005-2007” ;
- Sa Circulari de sa Presidèntzia de su Consillu de is Ministrus – Dipartimentu po is Afarius Regionalis prot. n°DAR-1321/13.3.5.17 de su 14 friarxiu de su 2007 ;
- Sa nota de sa Presidèntzia de su Consillu de is Ministrus – Dipartimentu po is Afarius Regionalis prot. n° DAR-1550/13.3.5.17 de su 22 de friarxiu de su 2007 ;
- Sa “Circulari apricativa de su D.P.C.M. de su 22 de su mesi de idas de su 2004. Progetus po s’annu 2007” spaniada dae sa Regioni Autonoma de sa Sardigna, Assessorau de sa Pùblica istrutzioni, Benis Culturalis, Informatzioni, Ispetaculu e Isport, serbitziu lingua e cultura sarda, editoria e informatzioni;

TENTU su nai ca gai dae su Responsàbili de s’Area amminisrativa ex art.49 de su TUEL.

Cun votazioni fata de totus in pari fata a biri e cun ampuada de manu

## DELÌBERAT

- a) de aprovai su progetu alligau po sa istituzioni de unu sportellu linguìsticu de coordinamentu subacomunali ;
- b) de si assotziai po sa gestioni de su serbitziu-sportellu nau a suba, cun is Comunas de Bidda S.Antoni, Gonnanou, Assolu, Senis, Nureci, Mogoredda e Asuni;
- c) de individuai, in s’ambitu de sa Assotziatzioni de is Comunas nara a suba, su Comunu de Assolu comenti a enti/sportellu capu-fila;
- d) de aprovai s’alligau progetu “Limba sarda, Limba de s’Identidade, Limba de su mundu-2007” propostu dae sa Provìntzia de Aristanis e de fai parti gai de immui a is interbentus culturalis, a sa formatzioni linguìstica de su personali dipendenti de is comunus e a is inghizativas de promotzioni de sa lingua sarda po mesu de is metzus de comunica de massa inguni prividius in forma cordinada subacomunali

BIU S’ACOITU, cun votazioni fata a parti, totus in pari, benit decrarada sa presenti luegu eseguibili segundu s’art.134, c.4 de su D.Lgs 18/08/2000 n°267;

Custu Verbali benit firmau comentu sighit:

Su Sìndigu at firmau  
(*Abog.ATZEI ADRIANO*)

Sa Segretària at firmau  
(*SCALAS Dott.ssa MARIA BONARIA*)

---

Su sutaiscritu, bius is atus d'ufitziu  
Reg.n°187

ATESTAT

Ca custa delibera est stetia apicada a s'Albu Pretoriu Comunali sa dì 23/04 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali,innia 23/04/2007

Sa Segretària Comunali at firmau  
(*SCALAS Dott.ssa MARIA BONARIA*)

---

Su sutaiscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....  
De su T.U. 267/2000

De sa Residèntzia comunali, innia .....

Sa Segretària Comunali at firmau  
(*SCALAS Dott.ssa MARIA BONARIA*)

---

De potai a:

- s'Ufitziu Tènicu
- s'Ufitziu Amministrativu
- s'Ufitziu Cuntabili
- s'Ufitziu Vigilanza
- s'Ufitziu Serbìtziu Sotziali
- .....
- .....
- R.A.S.

De sa Residèntzia comunali, innia .....

Sa Segretària Comunali at firmau  
(*SCALAS Dott.ssa MARIA BONARIA*)